

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 03.10.2023թ. թիվ 2317166695 որոշումն անփոփոխ, իսկ վարչական բողոքն առանց բավարարման թողնելու մասին

<<01>> 11 2023թ. 7-13- 11182

ք.Երևան

Ճանապարհային ոստիկանության պետի պարտականությունները կատարող, ոստիկանության գնդապետ Հ.Հակոբյանս, վերանայելով Լիովնիկ Սևիկյանի ՄԴ/89030-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Հաղթանակ թաղամասի 18-րդ փողոցի 8-րդ տան բնակիչ Լիովնիկ Սևիկյանը Ճանապարհային ոստիկանությանը հասցեագրած դիմումով խնդրել է վերանայել վարչական տույժ նշանակելու մասին 03.10.2023թ. թիվ 2317166695 որոշումը՝ նշելով, որ իրավախախտումը չի կատարվել նշված փողոցների հատման կետում:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին 03.10.2023թ. թիվ 2317166695 որոշումը ենթակա է կատարման հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 51-րդ կետի համաձայն՝ ոչ ռելսագնաց տրանսպորտային միջոցների համար երթևեկության գոտիների քանակը որոշվում է գծանշմամբ և (կամ) 5.15.1՝ «Երթևեկության ուղղությունները գոտիներով», 5.15.2՝ «Երթևեկության ուղղությունները գոտիով», 5.15.7՝ «Երթևեկության ուղղությունը գոտիներով» և 5.15.8 «Գոտիների քանակը» նշաններով, իսկ եթե դրանք բացակայում են, ապա վարորդների կողմից՝ հաշվի առնելով երթևեկելի մասի լայնությունը, տրանսպորտային միջոցների եզրաչափերը և դրանց միջև անհրաժեշտ միջկողային տարածությունը: Մասնավորապես, 5.15.1՝ «Երթևեկության ուղղությունները գոտիներով» ճանապարհային նշանը ցույց է տալիս գոտիների թիվը և երթևեկության թույլատրելի ուղղությունները դրանցից յուրաքանչյուրով:

Ճանապարհային ոստիկանության վարչական տույժ նշանակելու մասին 03.10.2023թ. թիվ 2317166695 որոշման հիմքում դրված տեսանյութը փաստում է, որ 18.09.2023թ. ժամը 15:23-ին <<SUZUKI>> մակնիշի 87LK878 հաշվառման համարանիշի տրանսպորտային միջոցի վարորդը Երևան քաղաքի Սարյան – Կ.Դեմիրճյան փողոցների խաչմերուկի հատվածում, որը կահավորված է 5.15.1՝ «Երթևեկության ուղղությունները գոտիներով» ճանապարհային նշանով, միայն ուղիղ թույլատրող երթևեկելի գոտուց կատարել է հետադարձ:

Հարկ է նշել, որ Հայաստանի Հանրապետության Երևան քաղաքի ավագանու 30.04.2014թ. N 146-Ն Կարեն Դեմիրճյանի անվամբ փողոց անվանակոչելու մասին որոշմամբ՝ Երևան քաղաքի Արամի և Փ.Բուզանդի փողոցների՝ Մ.Սարյան փողոցից մինչև Մ.Մաշտոցի պողոտա ընկած հատվածներն անվանակոչվել են Հայաստանի Ազգային հերոս, պետական, քաղաքական գործիչ Կարեն Դեմիրճյանի անվամբ, ինչից հետևում է, որ Ճանապարհային ոստիկանության վարչական տույժ նշանակելու մասին 03.10.2023թ. թիվ 2317166695 որոշման

հիմքում դրված տեսանյութը հստակ ապացուցում է, որ իրավախախտումը կատարվել է Երևան քաղաքի Սարյան – Կ.Դեմիրճյան փողոցների խաչմերուկի հատվածում:

Այսպիսով, դիմումատուի արարքում ակնհայտ է Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի զանցակազմը, հետևաբար վարչական պատասխանատվության ենթարկելու մասին որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 03.10.2023թ. թիվ 2317166695 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Լիովնիկ Սևիկյանին:

Կատարող Ա.Միրզոյան
Հեռ. 060838402

